

اُباما صدارت:

ریاست اَتے طاقت نعل پُرائے حالات برقرار

اِس ویلے امریکن سماج اِک بھت ہی ڈنگھے آرتھک، سیاسی اَتے  
سنویدھانک سنکٹ دی جکڑ وچ ہے۔ حاکم میل نے آپنے مُنافیاں  
لئی سارے سماج نوں اِک بھت ہی ڈونگھے سنکٹ وچ پا دتا ہے۔  
عرباں-کھرباں ڈالر لوکاں دیاں جیباں وچوں امیراں نے کھوہ لئے ہن۔  
لکھاں ہی لوکاں دے گھر کھس گئے ہن۔ دہشتگردی دے ناں ہیٹھ لوکاں  
دے حقاں تے وڈی سٹ لائی ہے۔ اِس سرپیکھی سنکٹ وچوں نکلن  
لئی حاکم میل سٹیٹ اَتے طاقت دی ورتوں صرف آپنے مُفاد لئی  
کر رہا ہے۔ اسدا نتیجہ ایہہ ہے کہ ریاست لوکاں اَتے سماج دے  
وسیلے اَتے دولت حاکم میل دے حوالے بھت ہی تیزی نعل  
کردی جا رہی ہے۔ لوکاں نوں مُجلیکھا پایا جا رہا ہے کہ اِس  
تراں امیراں اَتے حاکم میل دیاں جیباں بھرن نعل آرتھک اَتے مُوآشی  
سنکٹ دا علاج ہو جاویگا اَتے اِس بھاری توں چھٹکارا ہو جاویگا۔

حالات تاں ایہہ منگ کر رہے ہن کہ طاقت اَتے ریاست سارے سماج  
دے پھلے لئی اَتے سببناں دی رکھیا اَتے خوش حالی لئی حالات نوں  
بدلن۔ مثال دے طور تے آرتھک محاز تے امریکہ وچ اِک وڈے  
پدھرتے دوبارہ صنعت لاؤن دی لوڑ ہے جس نعل امریکہ دی  
مُوآشی نوں اُساری ہوویگی، لوکاں نوں روزگار ملیگا۔ اِسے تراں

کھیتی باڑی دے کھیتروچ وی بھت زیادہ سرمایاکاری دی لوڑ ہے ۔  
 کوئی وی سرمایدار جاں کمپنی اس پدھرتے سرمایہ نہیں لا سکدے  
 جسدے نعل ایہہ کم انجام دتا جا سکے ۔ کبانک اس لئی بھت  
 ہی زیادہ سرمائے دی لوڑ ہے اتے اوس توں منافع فلہال نہیں نکل  
 سکدا ۔ حالات منگدے ہن کہ ایہہ کم اک بھت ہی وڈے پیمانے  
 تے کیتا جاوے ۔ اس کم لئی سارے ہی لوکاں دی ہمدردی اتے رضامندی  
 دی لوڑ ہے ۔ اسے تراں آئین اتے سنویدھان بارے لوک چاہندے ہن  
 کہ بھت ہی بدنام قانون پیٹریٹ ایکٹ ختم کیتا جاوے جس نوں  
 بٹش اتے چینے نے لوکاں دے حقال نوں کچلن لئی لیاندا سی ۔ اس  
 قانون تہت نہ دلیل، نہ وکیل اتے نہ ہی اپیل کیتی جا سکدی  
 ہے ۔

پر حاکم میل ریاست اتے طاقت نوں صرف آپنے مفاد لئی ہی  
 ورتتا چاہوندا ہے ۔ اس لئی اوہ ریاست اتے اسدی طاقت نوں صرف  
 امیراں دیاں ہی جیباں بھرن لئی ورتتا ہی ٹھیک سمجھدا ہے اتے سماج  
 اتے عام لوکاں دیاں لوڑاں ول کوئی سنجیدگی نعل توجو دین نوں  
 تیار نہیں ۔ حاکم میل وڈے پدھرتے سرمایہ تان منگدا ہے پر  
 صرف آپنے منافعیاں لئی ۔ اوہ چاہندے ہن کہ لوکاں دا پیسہ لگے  
 تے منافع اوناں دا ہووے ۔ اس نعل ایہہ بھران اتے سنکٹ  
 ہور وی ڈونگھا ہو رہا ہے ۔ حاکم میل ریاست اتے سیاسی طاقت  
 نوں اس لئی ورت رہا ہے ۔ اوسدے لئی لوکاں اتے سماج دیاں

لوڑاں صرف چوٹاں وچ نعرے بازی جاں مچھلیکھے پاؤن لئی ہی ہن۔  
اصلیت وچ اوناں لئی بے روزگاری، مچکھماری، وغیرہ کوئی معانی نہیں  
رکھدے۔ جنناں چر ایہناں دے آپنے منافعے برقرار ہن اوناں چر  
بھانویے لوک آتے سماج کھیہہ وچ رلن ایہناں نوں کوئی فکر نہیں۔

اُبا ما دی پردھانگی تبدیلی دے نعرے پیٹھ ریاست آتے طاقت نوں  
حالات برقرار رکھن لئی آتے تبدیلی نوں روکن لئی ہی ہووگی۔  
کانک حالات منگ کر رہے ہن کہ طاقت آتے ریاست امریکن سماج  
نوں درپیش اس سرپیکھی سنکٹ آتے بھران توں باہر کڈھن دا ادم  
کرے، اس لئی حاکم میل نے اُبا ما نوں تبدیلی دے پیغمبر دے  
طور تے پیش کیتا ہے آتے صدر بنایا ہے۔

اُبا ما ریاست آتے طاقت نوں حالات برقرار رکھن آتے حاکم میل  
دا کچھ پورن لئی ہی استعمال کریگا۔ اُبا ما دی پردھانگی امریکن  
سماج آتے لوکاں نوں اس بھران وچوں کڈھن لئی کوئی وی لوڑیندا  
قدم نہیں چک سکدی۔ اس سچ تے پردہ پاؤن لئی اُبا ما وڈیاں  
وڈیاں آتے دھنایدار تکریراں تاں کر سکدا ہے پر اوناں وچوں  
نکلیگا کجھ وی نہیں۔ سماج آتے لوکاں نوں درپیش مثلیاں دا کوئی  
مبنیادی حل نہیں نکلیگا۔ حالات نوں برقرار رکھن لئی اوہ حاکم  
میل دا ہر حربہ استعمال کریگا آتے آپنے کالے رنگ نوں وی استعمال

کریگا۔ اوہ اک نسل وادی دعوہ کر رہا ہے کہ چُنکِ اک کالا  
آدمی پردھان بن گیا ہے اس لئی امریکہ وچ بہت تبدیلی آ  
ہی گئی ہے اتے لوکاں نوں اُستے یقین کرنا چاہیدا ہے۔ پر حالات  
صرف رنگ دی ہی تبدیلی نہیں منگدے۔ اُباما دی پردھانگی نعل  
ایہہ مچلیکھا وی ختم ہو جاویگا کہ شاید کسے کالے رنگ والے دے  
پردھان بن نعل کوئی وڈی تبدیلی آ جاوے گی۔

امریکن لوکاں نوں اک نویں طاقت اتے ریاست اُسارن دی لوڑ ہے  
جس نعل اوہ حالات نوں سماج اتے لوکاں دی سچائی لئی تبدیل کر  
سکن۔ حالات ایہہ منگ کر رہے ہن۔ اُباما اس نویں اُساری دے  
خلاف پُرائے ہی حربے جاری رکھن دا قائل ہے۔ امریکن لوک اس  
بارے بہت سنجیدگی نعل سوچ رہے ہن اتے وچار وٹاندرا کر  
رہے ہن۔ تبدیلی دی ایہہ لوڑ اُباما دی دُھنایدار تکریمکاں نعل  
غائب نہیں ہو سکدی۔ تبدیلی دی لوڑ اک نویں طاقت دی لوڑ ہے  
جھڑی حالات نوں بُنیادی طور تے بدل سکے۔ ایہہ امریکن سماج  
دی اَنج دی اک تاریخی لوڑ ہے۔